

黃氏逸書考

子史鉤沉

逸書考

鄧粲晉紀

甘泉黃奭學

中宗元帝

上身服儉約以先時務性素好酒將渡江王
導深以諫帝乃令左右進觴飲而覆之自是
遂不復飲克已復禮官修其方而中興之業
隆焉

世說規箴篇注

阮籍

籍母將死與人圍棋如故對者求止籍不肯

留與賭決既而飲酒三斗舉聲一號嘔血數

升廢頓久之

世說任誕篇注

御覽七百四

既而飲酒三斗舉聲一號吐血數升又七百五十三引阮籍母死至留賭決焉

謝鯤

鯤與王澄之徒慕竹林諸人散首披髮裸袒

箕踞謂之八達故鄰家之女折其兩齒世為

謠曰任達不已幼與折齒會有勝情遠槩為

朝廷之望故以庾亮方焉

世說品藻篇注御覽八百二十五

引謝鯤鄰家有女鯤挑之女以棧投之折其兩齒

王澄

澄放蕩不拘時謂之達

世說簡傲篇注

劉琨嘗謂澄曰卿形雖散朗而內勁狹以此處世難得其死澄默然無以荅後果爲王敦所害劉琨聞之曰自取死耳

世說譏險篇注

鄧攸

永嘉中攸爲石勒所獲召見立幕下與語說之坐而飯焉攸車所止與胡人鄰轂胡人失火燒車營勒吏案問胡胡誣攸攸度不可與

爭乃曰向爲老姥作粥失火延逸罪應萬死
勒知遣之所誣胡厚德攸遺其驢馬護送令
得逸

世說德行篇注

王湛

王湛字處沖太原人隱德人莫之知雖兄弟
宗族亦以爲癡唯父昶異焉昶喪居墓次兄
子濟往省湛見牀頭有周易謂湛曰叔父用
此何爲頗曾看否湛笑曰體中佳時脫復看
耳今日當與汝言因共談易剖析入微妙言

奇趣濟所未聞嘆不能測濟性好馬而所乘
馬駿駛意甚愛之湛曰此雖小駛然力薄不
堪苦近見督郵馬當勝此但養不至耳濟取
督郵馬穀食十數日與湛試之湛未嘗乘馬
卒然便馳騁步驟不異於濟而馬不相勝湛
曰今直行車路何以別馬勝不唯當就蟻封
耳於是就蟻封盤馬果倒踣其僞識天才乃
爾世說賞譽篇注 御覽八百九十五引土
湛有隱德兄弟宗族皆以爲癡居墓次不
交當世兄子濟性好馬所乘駿快意甚愛之
湛曰此馬雖快力薄不堪苦近見督郵馬當

勝此濟然之取督郵馬穀食十數日湛試之
湛未嘗乘馬率然便騎馳騁步驟不異於濟
而馬不相勝湛曰直行平路何以別馬唯當
於蟻封於是就蟻封走馬濟馬果倒躓濟乃
服

周顗

伯仁清正嶷然以德望稱之

世說品藻篇注

伯仁儀容弘偉善於俛仰應荅精神足以蔭
映數人深自持能致人而未嘗往焉

世說言語篇注

顗爲荊州始至而建平民傳密等叛逆蜀賊
顗狼狽失據陶侃救之得免顗至武昌投王

敦敦更選侃代顗顗還建康未卽得用也

世說

賞書篇注

王導與周顗及朝士詣尙書紀瞻觀伎瞻有
愛妾能爲新聲顗於衆中欲通其妾露其醜
穢顏無愧色有司奏免顗官詔特原之

世說
任誕

篇注

周嵩

嵩字仲智謨兄也性狡直果使每以才氣陵
物顗被害王敦使人弔焉嵩曰亡兄天下有

義人爲天下無義人所殺復何所弔敦甚銜
之猶取爲從事中郎因事誅嵩

世說方正篇注

周謨

阿奴嵩之弟周謨也

世說識鑒篇注

周謨字叔治顗次弟也仕至中護軍

世說方正篇注

卞壺

初咸和中貴遊子弟能談嘲者慕王平子謝
幼輿等爲達壺厲色於朝曰悖禮傷教罪莫
斯甚中朝傾覆實由於此欲奏治之王導庾

亮不從乃止其後皆折節爲名士

世說賞譽篇注

劉琨

琨爲并州牧糾合齊盟驅率戎旅而內不撫

其民遂至喪軍失士無成功也

世說尤悔篇注

劉琨

琨與兄璠俱知名遊權貴之間當世以爲豪

傑

世說仇隙篇注

王導

導與元帝有布衣之好知中國將亂勸帝渡

江以爲安東司馬政皆決之號仲父晉中興之功導實居其首

世說言語篇注

溫橋

敦將至橋燒朱雀橋以阻其兵

世說捷悟篇注

王敦

敦性簡脫口不言財其存尙如此

世說豪爽篇注

王敦叅軍有於敦坐携蒲臨當成都馬頭被殺因謂曰周家奕世令望而位不至三公伯仁垂作而不果有似下官此馬敦慨然流涕

曰伯仁總角時與東宮相遇一面披衿便許
之三司何圖不幸王法所裁悽愴之深言何
能盡

世說尤悔篇注

王含

初王導協贊中興敦有方面之功敦以劉隗
爲間已舉兵討之故含南奔武昌朝廷始知
警備也

世說言語篇注

陶侃

初有譖侃於王敦者乃以從弟廙代侃爲荆

州左遷侃廣州侃文武拒廩而求侃敦聞大怒及侃將蒞廣州過敦敦陳兵欲害侃敦諮議叅軍陶梅諫敦乃止厚禮而遣之

世說方正篇注

周馥

馥字祖宣汝南人代劉淮爲鎮東將軍鎮壽陽移檄四方欲奉迎天子元皇帝使甘卓攻之馥出奔道卒

世說雅量篇注

裴遐

遐以辯論爲業善敘名理辭氣清暢泠然若

琴瑟聞其言知與不知無不嘆服

世說文學篇注

劉麟之

麟之字子驥南陽安衆人少尙質素虛退寡欲好遊山澤間志存遁逸桓沖嘗主其家麟之方條桑謂沖使君旣在駕光臨宜先詣家君沖遂詣其父父命麟之然後乃還拂短褐與沖言父使麟之自持濁酒蒞菜供賓沖勅人代之父辭曰若使官人則非野人之意也沖爲慨然至昏乃退因請爲長史固辭居岐

陽去道斥近人士往來必投其家麟之身自
供給以贈無所受去家百里有孤嫗疾將死
謂人曰唯有劉長史當埋我耳麟之身往候
之值終爲治棺殯其仁愛皆如此以壽卒
世說

棲逸篇注

石勒

勒手不能書口不識字每於車中令人誦讀
聽之皆解其意

世說識鑒篇注

已上俱世說注

裴遐

裴遐賦性恬和同類有試遐者推墮床下遐
乃拂衣還坐毫無愠色

書鈔一百三十七
御覽二百九十二

郭璞

郭璞爲王敦叅軍知敦作亂受假還都露布
以討溫嶠爲名及至建康南坑殺叅軍郭璞
初桓彝常令璞筮卦卦成彝問其故璞曰卦
與吾同

初學記二十

郭舒

舒常以酒狂王澄因叱左右拉歡郭舒厲

色曰使君醉左右莫動澄大怒曰別駕枉耶
杜我醉因遣炙舒眉頭後事王敦諫敦敦呵
曰人以卿癡炙眉舊疾復發也舒曰汲黯朱
雲豈癡乎澄時爲荊州遂縱酒嬉戲白帖眉
覽三百六十五引宋歡作宗廐又三百六十
三引作宗廐廐字誤

陶潛

陶潛九月九日無酒宅邊摘菊盈把望見白
衣人至乃王弘送酒便飲醉而歸白帖九月
九日已

阮籍

阮籍能爲青白眼禮俗之士輒以白眼對之
宗正嵇喜康之兄也聞籍喪往弔之籍以不
哭見其白眼喜不懌退之御覽五百六十六又
三百六十六引士
上無之字輒作則嵇喜上無宗正二字兄下
無也字無聞籍六字不哭上無以字白眼上
無其字退之作而退

嵇康

嵇康曾鍛於長林之下鍾會造焉康坐以鹿
皮褱然正容不與之酬對會恨而去御覽八
百三十

劉伶

劉伶嘗著袒服而乘鹿車客有詣伶值其裸袒責伶伶笑曰吾以天為屋以屋為禪諸君不當入其中又何怨乎其自任若此

御覽四百九十

八世說任誕篇注引客有詣伶至末無責伶二字笑曰下作吾以天地為宅舍以屋宇為幃衣諸君自不當入我幃中下二句同怨作惡書鈔一百四十八陳補引劉伶縱酒放蕩或脫衣裸形在屋中人見議之伶曰以下同

胡毋輔之

胡母輔之過河南門下將飲酒河南卒王子
博倨坐其傍輔之叱使取火子博曰我卒也
唯不乏吾事安能爲人使輔之與語嘆曰吾
弗及也因言於河南尹以爲功曹御覽四百
九十八又
八百六十八引將飲酒下作使門卒王子博
取火以下同事類賦八引與御覽八百六
十八同書鈔七十七引至吾不及也與御
覽四百九十八同河南卒作河南騶吾事下
有則已二字安能作安復與語上有因就二
字

張華

張華多鬚常以綿纏之陸雲見之笑不能止

王澄

荊州民宗廡嘗以酒犯王平子怒叱左右摔
廡郭舒厲色謂左右曰使君醉汝輩何敢妄
動平子大恚曰別駕狂耶枉言我醉因遣炙
郭舒眉頭舒跪受炙平子意釋而廡得免御覽
三百六十五又三百六十二引王澄爲荊州
宗廡以酒色犯澄澄叱左右摔之郭舒厲色
曰使君醉澄曰狂耶枉我醉因炙舒眉案廡
字誤酒色色字衍書鈔七十三引王澄爲
荊州刺史民以酒犯澄澄怒厲色叱左右案
引辭語未完又以厲色叱左右厲之王澄

亦誤 白帖亦引此事宗獻作宋歡

華譚

華譚爲祕書自負宿名意每快快嘗從容謂
上曰臣老於祕閣矣汲黯之言復存今日
二百三十三

御覽

郭訥

太子洗馬郭訥字敬言嘗入洛觀伎人歌言
佳石崇問其曲訥不知崇笑卿不識曲那得
言佳訥荅譬如西施何必識其姓名然後知

美崇無以難

御覽五百七十事類賦十一引至然後知美無字敬言三字

王彪之

王彪之字叔武年二十鬚髮皓白時人謂之

王白鬚

御覽三百一十四

周顗

初王敦將下朝士共議周顗以爲敦剛愎不仁親害平子必能稱兵以向朝廷敦旣克石頭顗與戴淵共詣敦謂顗曰伯仁卿負我顗荅曰公戎車內侮下官親帥六軍不能其事

使王旅敗績以此負公又問淵吾此舉動天下以爲何如荅曰見形者謂之逆體識者以爲忠敦笑曰若思卿能言

御覽四百二十八

王敦籍周顗家笥簏中有故絮故播

二字酒有誤

五甕米數斛在位者服其清

御覽四百二十五

王敦

王敦欲代甘卓遣使送大刀巾

御覽六百八十七

楊雄

舂陵長楊雄起兵討王敦欲活之使還邑舍

洗沐衆人皆賀雄曰吾夢乘車挂肉其傍肉
必有筋筋者斤吾其死也敦果刑雄

御覽三百九十五

尹虞

潁陽令羊嗣貪而不治縣功曹共逐嗣嗣饒
鬚乃以嗣內羊闌中始其太守聞大怒手劔
功曹虞字王卿長沙人也

御覽三百七十四

前始興太守尹虞起兵於巴陵日號監軍以
討杜弢連戰稍勝遂進長沙爲弢所沒初敗

魯虞二女皆國色也將妻之女不肯曰我父
二千石終不爲賊作婦有死而已及虞攻賊
賊殺之御覽四百三十九又三百八十引杜
弼至長沙掠前始興太守尹虞二女
皆國色也將妻之日我父三千石終不爲賊
作婦遂自殺焉

桓溫

桓溫少與沛國劉惔善惔嘗稱之曰君眼如
紫石棱鬚如蝟毛磔孫仲謀晉宣王之流御覽
三百七十四

謝萬

謝萬字萬石簡文辟爲從事中郎著白綸巾
鶴氅裘版而前帝與談移日御覽六百八十

鄭休妻石氏

廣平太守崔涼表政穀熟長鄭希子休妻石
氏年十餘歲爲邦邑所宗旣歸鄭氏爲九族
所重休前妻女少孤父希臨終庶于沉生是
時漢末大亂希命棄之曰奈何使舅愛子至
不存活乎寧割肌膚之恩以存顧援之命養
沉及前女力不兼舉九年之中三不舉子御覽

四百三十九

梁緯妻辛氏

散騎常侍梁緯妻辛氏隴西人也劉曜欲妻之使人扶取因據地哭從者亦哭曜並殺之
御覽四百三十九

白玉璽

江寧民虞迪墾地得白玉璽一鈿以獻文
曰長壽萬年
御覽六百八十二 已上俱太平御覽

子史鉤沈

逸書考

劉謙之晉紀

甘泉黃奭學

太宗簡文帝

安議曰謹按諡法一德不懈曰簡道德博聞曰文易簡而天下之理得觀乎人文化成天下儀之景行猶有彷彿宜上尊號曰太宗諡曰簡文

世說文學篇注安謂謝安

溫嶠

敦欲廢明帝言於衆曰太子子道有虧溫司

民國甲戌

劉謙之晉紀

一江都朱氏

馬昔在東宮悉其事嶠既正言敦忿而愧焉
世說方正篇注

王獻之

王獻之性甚整峻不交非類

世說忿狷篇注

許柳

柳妻祖逖子渙女蘇峻招祖約爲逆約遣柳
以衆會峻既克京師拜丹陽尹後以罪誅
世說政事篇注

桓玄

玄欲復虎賁中郎將疑應直與不訪之僚佐咸莫能定參軍劉簡之對曰昔潘岳秋興賦序云余兼虎賁中郎將將寓直於散騎之省以此言之是應直也玄懽然從之世說言語選潘安仁秋興賦注引復上無欲字無疑應直與否五字敘云下無余兼二字無以此言之二句從之上無懽然二字御覽二百四十一引同世說注簡之作蘭之兼上無余字是應直也作是直官也無末五字

蕭輪

輪有才學善三禮歷常侍國子博士世說賞譽篇注

已上世說新語注

補刊

應詹

應詹表曰元康以來以儒術清儉爲羣俗以容放爲夷達

文選干令升晉紀總論注

應詹表曰元康以來望白署空顯以台衡之量尋文謹案目以蘭薰之器

文選同上
上文選注

王珉

中書令王獻之卒贈太常以侍中王珉代之皆一時之秀也

書鈔五十七

王恭

王恭每讀左氏傳至於奉王命討不庭輟卷而嘆

書鈔九十八

已上北堂書鈔

螢豆

王莽誅童謠曰昔年食麥屑今年食螢豆螢豆不可食使我枯嚙喉

御覽八百五十三疑王莽二字有誤

史鈞沉

逸書考

王韶之晉安帝紀

甘泉黃奭學

王羲之

羲之風骨清舉也

世說賞譽篇注

桓溫

桓溫於枋頭奔敗知民望之去也乃屠袁真於壽陽既而問郗超曰足以雪枋頭之耻乎超曰未厭有識之情也公六十之年敗於大舉不建高世之勲未足以鎮厭民望因說溫

以廢立之事時溫夙有此謀深納超言遂廢

海西公

世說言語篇注

簡文晏駕遺詔桓溫依諸葛亮王導故事溫大怒以爲黜其權謝安王坦之所建也入赴山陵百官拜於道側在位望者戰慄失色或云自此欲殺王謝

世說雅量篇注

王彪之

溫在姑孰諷朝廷求九錫謝安使吏部郎袁宏具其草以示僕射王彪之彪之作色曰丈

夫豈可以此事語人邪安徐問其計彪之曰
聞其疾已篤可緩其事安從之

世說言語篇注

王國寶

國寶平北將軍坦之第三子也太傅謝安國
寶婦父也惡而抑之不用安薨相王輔政遷
中書令有妾數百從弟緒有寵於王深爲其
說國寶權動內外王珣王恭殷仲堪爲孝武
所待不爲相王所眄抗表討之車胤又爭之
會稽王旣不能拒諸侯兵遂委罪國寶付廷

尉賜死

世說規箴篇注

王緒

緒爲會稽王從事中郎以佞邪親幸王珣王恭惡國寶與緒亂政與殷仲堪克期同舉內匡朝廷及恭表至乃斬緒以說諸侯

世說規箴篇注

王忱

忱字元達平北將軍坦之第四子也甚有名於當世與族子恭少相善齊聲見稱仕至荊州刺史

世說德行篇注

忱初作荊州刺史後爲建武將軍

世說方正篇注

初忱與族子恭少相善齊聲見稱及並登朝俱爲主相所待內外始有不咸之論恭獨深憂之乃告忱曰悠悠之論頗有異同當由驃騎簡於朝覲故也將毋從容切言之邪若主上諧睦吾徒得戮力明時復何憂哉忱以爲然而慮弗見令乃令袁悅具言之悅每欲間恭乃於王坐責讓恭曰卿何以妄生同異疑誤朝野其言甚切厲恭雖惋悵謂忱爲搆已

也忱雖心不負恭而無以自亮如是情好大
離而怨隙成矣

世說賞譽篇注

忱少慕達好酒在荊州轉甚一飲或至連日
不醒遂以此死

世說任誕篇注

王珣

初王恭赴山陵欲斬國寶王珣固諫之乃止
既而恭謂珣曰此日視君一似胡廣珣曰王
陵廷爭陳平從默但問克終何如也

世說仇
隙篇注

殷覲

顗字伯道陳郡人由中書郎出爲南蠻校尉
顗亦以率易才悟著稱與仲弟仲堪俱知名
世說德行篇注

殷仲堪舉兵顗弗與同且以已居小任唯當
守局而已晉陽之事非所宜豫也仲堪每邀
之顗輒曰吾進不敢同退不敢異遂以憂卒
世說規箴篇注

殷仲堪

仲堪陳郡人太常融孫也車騎將軍謝玄請

爲長史孝武悅之俄爲黃門侍郎自殺袁悅
之後上深爲晏駕後計故先出王恭爲北蕃
荊州刺史王忱死乃中詔用仲堪代焉

世說德行篇注

王忱死會稽王欲以國寶代之孝武中詔用
仲堪乃止

世說絀漏篇注

孝武深爲晏駕後計擢仲堪代王忱爲荊州
仲堪雖有美譽議者未以方嶽相許也旣受
腹心之任居上流之重議者謂其殆矣終爲

桓玄所敗

世說識鑒篇注

仲堪有思理能清言

世說文學篇注

殷仲文

仲文有氣貌才思

世說品藻篇注

桓玄敗殷仲文歸京師高祖以其衛從二后

且以人言宜令

下有脫誤

引爲鎮軍長史白以名

輩先達位遇至重而後來謝混之徒皆疇昔

之所附也今比肩同列快然自失後果徙信

安

世說黜免篇注

仲文後爲東陽愈憤怨乃與桓胤謀反遂伏
誅仲文嘗照鏡不見其頭俄而難及

世說同上

桓玄

玄文翰之美高於一世

世說文學篇注

玄哀樂過人每歡戚之發未嘗不至嗚咽

世說

任誕篇注

桓脩

脩少爲玄所侮言論常鄙之脩深憾焉密有
圖玄之意脩母曰靈寶視我如母汝等何忍

骨肉相圖脩乃止

世說仇隱篇注

吳隱之

隱之既有至性加以廉潔奉祿頒九族冬月無被桓玄欲革嶺南之敝以爲廣州刺史去州二十里有貪泉世傳飲之者其心無厭隱之乃至水上酌而飲之因賦詩曰石門有貪泉一畝重千金試使夷齊飲終當不易心爲盧循所攻還京師歷尙書領軍將軍

世說德行篇注

戴逵

王韶之晉安帝紀

戴逵字安道譙國人少清操恬和通任爲
劉眞長所知性甚快暢泰於娛生好鼓琴善
屬文尤樂遊燕多與高門風流者遊談者許
其通隱屢辭徵命遂著高尚之稱

世說雅量
篇注

江斡

斡字仲凱濟陽人祖正散騎常侍父彪僕射
並以義正器素知名當世斡歷位內外簡退
著稱歷黃門侍郎驃騎咨議

世說方正篇注

王凝之

疑之事五斗米道孫恩之攻會稽疑之謂民
吏曰不須備防吾已請大道許遣鬼兵相助
賊自破矣既不設備遂爲恩所害

世說言語
篇注

孫恩

孫恩一名靈秀琅邪人叔父泰事五斗米道
以謀反誅恩逸逃於海上聚衆十萬人攻沒
郡縣後爲臨淮太守辛曷斬首送之

世說德
行篇注

孟昶

昶字彥達平昌人父馥中護軍昶矜嚴有志

局爲王恭所知像義旗之勲丹陽尹盧循既
下昶慮事不濟仰藥而死世說企羨篇注

謝混

混字叔源陳郡人司空琰子也文學砥礪立
名累遷中書令尙書左僕射坐黨劉毅伏誅
世說言語篇注 已上俱世說注

桓玄

桓玄製龍頭角或曰所謂亢龍角者也

書鈔一百

二十一

御覽三百三十八引晉書安帝紀

桓之敗走經日不得食左右進以粗粥咽不
能下書鈔一百四十四御覽八百五十九
引桓之敗走承石進以粗粥下同承石
當是左右之誤

桓立至京都警蹕不絕於音書鈔一百三十

孫無終

琅邪內史孫無終貪橫殘虐妓妾有忤意者
輒彈其面書鈔一百二十四御覽三百五
引殘作忍已上書鈔

彩虹

義熙二年七月夜彩虹出西方蔽月初學記
二引王

三晉之晉安帝紀
韶之晉安帝紀 御覽十四

司馬休之

司馬休之兄尚之爲桓玄所敗休之奔淮泗
頗得彼之人心從者爲之歌曰可憐司馬公
作性甚溫良憶昔水邊戲使我永不忘
初學記十
九引續安帝紀 已上初學記

桓玄

桓玄尤愛珍寶常玩弄珠玉不離於手

藝文八十八

三

御覽八百二

震太廟

義熙二年六月震太廟鵠尾徹壁柱若有文
字御覽十三又一百八十八引作四年

苦買菜

義熙二年有苦買菜生揚州營莖高四尺六
寸廣二尺二寸是後歲多征伐人民積苦苦
買者買苦也御覽九百八十引晉書安帝紀

殷仲堪

殷仲堪在荊州以胡麻爲飯

御覽九百八十引晉書安帝

紀

桓玄

桓玄幼時會於西堂設伎樂上施絳綾帳鏤金以爲飾

御覽八百十六

桓玄遊於水南飄風飛其輓蓋後義兵起遂敗

御覽七百二

桓玄問衆曰朕其敗乎曹靖之對曰神怒民怨臣實憂懼玄曰民怨有之神何爲怒對曰移晉宗廟所以怒也

御覽四百八十三引王韶之晉紀

吳隱之

廣州刺史吳隱之字處默少有孝行遭母憂
哀毀過禮太常韓康伯鄰居康伯之母揚州
刺史殷浩之妹聰明婦人也隱之每哭康母
輒輟事流涕悲不自勝旣而語康伯曰汝後
若居銓衡當用如此輩人及康伯爲吏部尙
書進隱之遂歷清顯

御覽四百八十七

吳隱之字處默性廉潔桓玄欲救嶺南之弊
以隱之爲刺史州界有一水父老云飲此水

者廉士皆貪隱之始踐境先至水所酌而飲之因賦詩以言志請操愈厲御覽七十藝默三字性廉據下卽云爲廣州刺史有一水下有謂之貪泉四字言志下有若使夷齊飲終當不易心十字

劉敬宣

劉敬宣在鮮卑夢丸土而服之旣而占焉或答曰此服土吞丸也旣覺而喜曰丸者桓也旣吞矣我復本土也旬日中聞桓玄敗得來歸御覽三十七又三百九十八引鮮卑作齊而服之作吞之下作而於夢中占者答曰

說不矣作桓爲否矣我下有當字本上下無
他字末作遂得歸

司馬尙之

豫州刺史司馬尙之爲桓玄將焉該所攻倉
儲稍竭外白戰士多飢悉未付食是時蘆箭
時也尙之指筍曰且噉此足解三日將離心
遂敗御覽九百六十三引續安帝紀

司馬休之

司馬休之奔廣固慕容超有欲害心而休之
不知常所乘騅馬於床前養飼忽連鳴不食

注目視鞍休之試被之而不動也復還牀坐
馬又驚跳因試騎視馬卽鞭出裁至門外奔
而馳之行數里休之願望所住已有收者至
乘馬南奔殆而獲免後還荊州加騅馬揚武
之號御覽八百九十五引續安帝紀

孫恩

劉裕大破孫恩於秣山恩以彭排自載僅得
還御覽三百五十七引案釋名彭排旁也在
旁排敵禦攻也

李邕

益州刺史李邕微時居漢川與別駕姜顯餞
送刺史顯忽邈邈曰大丈夫何至守偏地爲
姜顯所陵卽不復還家乃附船下自是十五
年而鎮梁漢顯猶棲遲卽檄爲別駕御覽二
百六十
三引續安帝紀

王淡

吳興王淡父爲鄰人竇度所殺淡年十歲陰
有復讐之志至年十八密索利鍤刃佯若耕
耘經一橋下伺度船行還伏於草中淡於橋

上以鍤斫之而歸罪有司太守孔巖義其孝

勇上請宥之

御覽七百六十四引晉書安帝紀又一條引劉伶常乘鹿車攜

一壺酒使人荷鍤而隨之謂曰死便埋我案劉伶是西晉時人不得載於安帝紀蓋韶之另有晉紀中語又案御覽四百八十二引漢晉春秋王談事與此同疑此條淡字誤

朱齡石

朱齡石伐蜀太尉與齡石書署函曰至白帝乃發書曰衆悉從外水取成都臧壽於中水出廣漢使羸弱乘高艦十餘由內水向黃虎

御覽六百六

張經

宋王圍慕容超張經巧思絕人爲攻具城上火石弓矢無所用之超等震攝城內知亡字

御覽三百六十引王韶之晉紀

郭宣之

王鎮惡亡經日魏興太守郭宣之晝坐忽見陳莊來因敘舊事相對悲泣勸營功德去後郡內悉聞香狀如芳烟流散

御覽九百八十一引續安帝紀

子史鉤沉

逸書考

徐廣晉紀

甘泉黃誼學

肅宗明帝

肅宗遺詔庾亮王導輔幼主而進六臣陶侃

祖約不在其列侃約疑亮寢遺詔也

世說容止篇注

太宗簡文帝

咸安元年十二月熒惑逆行入太微至二年

七月猶在焉帝懲海西之事心甚憂之

世說言歸

篇注

孝武帝

孝武寧康二年尚書令王彪之等啟改作新宮太元三年二月內外軍六千人始營築至七月而成太極殿高八丈長二十七丈廣十丈尚書謝萬監試賜爵關內侯大匠王安之關中侯

世說方正篇注

太元二十年九月有蓬星如粉絮東南行歷須女至央星

世說雅量篇注

王導

導阿衡三世經綸夷險政務寬恕事從簡易
故垂遺愛之譽也

世說政事篇注

庾羲

羲字叔和太尉亮第三子拔尙率到位建威
將軍吳國內史

世說方正篇注

庾穌

穌字道季太尉亮子也風情率悟以文談致
稱於時凡仕至丹陽尹兼中領軍

世說言語篇注

庾倩

倩字少彥司空冰子皇后兄也有才具仕至
太宰長史桓溫以其宗彊使下邳王晃誣與
謀反而誅之

世說賞譽篇注

王述

述貞審真意不顯

世說賞譽篇注

顧顯

顯字孟著吳郡人驃騎榮之子少有重名泰
興中爲騎郎蚤卒時爲悼惜之

世說方正篇注

江彪

江彪字思玄陳留人博學知名兼善奕爲中興之冠累遷尙書左僕射護軍將軍

世說方正篇注

江惇

江惇字思俊陳留人僕射彪弟也性篤學手不釋書博覽墳典儒道兼綜徵聘無所就年四十九而卒

世說賞譽篇注

殷浩

浩清言妙辯玄致當時名流皆爲其美譽

世說

賞譽篇注

王愉

王愉字茂和太原晉陽人安北將軍坦之次子也以輔國司馬出爲江州刺史愉始至鎮而桓玄楊佺舉兵以應王恭乘流奄至愉無防惶惧奔臨川爲玄所得玄篡位遷尙書左僕射

世說德行篇注

劉瑗之

劉瑗之字遵祖沛郡人少有才學能言理歷

中書郎宣城太守

世說排調篇注

王濛 劉惔

凡稱風流者皆舉王劉爲宗焉世說品藻篇注已上世說新語注 緯畧三引皆舉作以

劉淵

劉淵自離石南移蒲子水經河水注

石遵

石遵自李城北入斬張豺於安陽水經洹水注已上水經注

世祖武帝

太康五年八月嘉禾生南昌九月懷帝生

文選

于令升晉紀總論注

盧諶

盧諶字子諒范陽人也有才理顯宗徵爲散騎常侍段末波愛其才託以道險終不遣之末波死諶依石季龍冉閔誅石氏諶隨閔軍遇害

文選盧子諒覽古詩注

鮮卑

鮮卑以碧石爲寶

文選王元長三月三日曲水得序注已上文選注

陸亮

吏部陸亮山濤知其非才啟可爲左丞帝遂
使爲吏部郎其後果以私被黜

書鈔六十一

王述

王述不拜中書監患腳就拜尙書令於府攝
事也

書鈔五十九

劉儉

東海劉儉請修色養居喪過禮除郎中

書鈔六十

三
已上北堂書鈔

孝愍帝

愍帝建興四年京城糧盡屑麴爲粥以供帝

食

初學記二十六 原譌作惠帝案建興是愍帝年號 御覽八百五十九

王戎

王戎值財賄家僮數百計算金帛有如不足
以此獲譏於時 初學記十八 已上初學記

張華

張華少自牧羊而篤志好學初爲縣吏盧鈗

苛其才數稱薦之

藝文五十二 御覽六百十三

石苞

魏謁者郭元信出使從宏農求御人遣石苞及鄧艾爲御行十里元信謂二人曰子並當至將相旣而苞爲縣吏到鄴買鐵於市市長趙元儒異之曰公輔才也遂與交稍遷至宏農司馬欲求縣吏部郎許允謂苞曰君我輩人也當相引置朝廷何欲小縣乎苞還嘆不意允之知己

御覽四百四十二

鄭袤

鄭袤純和有識初荀攸見袤曰鄭公業爲不
亡矣時相國掾魏諷有盛名同郡任覽謂袤
曰諷姦雄必以禍終子宜絕之後諷果敗司
空王朗掾案掾上脫委以求才舉高陽許允
扶風魯芝東萊王基並爲名臣御覽四百四十二又四百
一引相國掾魏諷有盛名同郡任覽與諷友善鄭袤謂覽曰諷姦雄必以禍終子宜絕之後諷果敗案前後所引不同據晉書鄭袤傳與四百一同


石崇

石季倫甚富侈衣服伎樂夸於許史有妓人

曰綠珠美孫秀欲之使人求焉崇盡出其婢妾數十人皆蘊蘭麝而被羅縠御覽四百七十一

劉弘

劉弘字和季在襄陽帝在西京命弘選良才乃稱守宰徵士武陵五朝字世朗高尙荆王牙門將魯國皮初有勲江漢弘上言朝爲零陵太守初爲襄陽內史詔以襄陽顯郡初資名夫允以弘女壻前東平太守夏侯陟爲襄陽弘曰夫總天下者當與天下同心治一國

者當與一國推實吾總荊州十郡安得十女
壻然後爲治乃表陟
制不得相陵
御覽

四百二十九

賀循

中宗令曰太常賀循冰清玉潔行爲表俗孤
曾造其廬屋室服物周身而已賜牀褥錢二
十萬
御覽四百二十五

顧和

成帝有乳母經營艱苦詔假其名號顧和諫

曰保母奉佑聖躬不遺其勲第舍供給已爲
隆厚若假以名號非令典也書而不法後嗣
何觀帝乃止 御覽四百五十二

桓溫

桓溫才氣雄雋恢爽陵邁溫嶠見其幼時知
必非常故父彝字曰溫 御覽三百六十二

霍彪

霍彪爲賊費黑所隔積百日殺馬燒皮鎧食
之 御覽三百二十

韓晃 蘇碩

韓晃蘇碩等攻苑城中飢米一斛萬錢御覽三百

漢陵

關中發漢杜霸二陵薄太后棺面如生矣御覽五百五十九已上俱太平御覽

孝成帝

成帝適司徒府遊觀冶城之園寰宇記江南東道昇州上元縣

桓溫

桓溫伐蜀戰於窄橋叅軍襲護戰沒衆欲退而鼓更誤鳴進鼓於是乘之遂入少城襲字記劍
南西道益州成都縣誤引作徐康晉志

子史鉤沉

曹嘉之晉紀

甘泉黃奭學

和嶠

中書監令常同車入朝至和嶠爲令而荀勗
爲監嶠意强抗專車而坐乃使監令異車自
此始也

世說方正篇注

初學記十一

劉疇

劉疇字王喬彭城人父訥司隸校尉疇善談
名理曾避亂塢壁有胡數百欲害之疇無懼

色援箛而吹之爲出塞入塞之聲以動其遊
客之思於是羣胡皆泣而去之位至司徒左
長史世說賞譽篇注書鈔一百十二引劉
疇曾避難塢壁下同有胡作賈胡無入
塞二字皆泣作垂泣而去下作遂得免之無
末七字藝文四十四引同書鈔末引皆倚
泣而去無遂得免之四字御覽五百八
一引同書鈔避難作避亂數百作百數末作
皆泣而去

疇有重名永嘉中爲閭鼎所害司徒蔡謨每
嘆曰若使劉王喬得南渡司徒公之美選也
世說賞譽篇注已上世說新語注

嵇康

康刑於東市顧日影索琴而彈

文選向子期思舊賦注

張華

張華懼后族之盛作女史箴

文選張茂先女史箴注

阮咸

山濤舉咸爲吏部郎三上武帝不能用也

文選

顏延年五君詠注

已上文選注

諸葛誕

諸葛誕以氣邁稱嘗倚柱作書霹靂震其柱

誕自若

書鈔一百五十二

御覽

十三引作

雷自若

書作讀書又一百

入十七引

霹靂作

覽十三

事類賦雷引同御

荀勗

荀勗守尚書令詔曰周之冢宰今尚書令皆

古百揆之任以其亮采惠疇熙帝之載實允

於此勗肆力先朝庸勲超格受終之揆協於

大麓故受此位也

書鈔五十九

以上北堂

羊暨

羊祜子暨爲青州刺史牛於州產犢及暨去

職以官室所生遺之而去藝文九十四又五
刺史暨牛產犢及遷以官舍所生遺之而去
御覽二百五十引同藝文五十

史曜

汝南史曜爲山濤所知曜字季茂父爲征南
府小吏鄉人周浚一見曜而友之配之妹官
至中書郎藝文四十八
御覽二百二十引
字季茂
在汝南史曜下
已上
藝文類聚

荀勗

荀勗自中書監遷尙書令人賀之曰奪我鳳

曹嘉之晉紀

三
刊

皇池何賀之有

初學記十一

王戎

王戎再至司徒委事掾屬乘小馬從便門出
見者不知是台司也

御覽二百八